

ШЎЪБА КОРХОНАЛАРНИ, БОШҚА ХЎЖАЛИК БИРЛИКЛАРИНИ СОТИБ ОЛИШ ВА СОТИШ

28. Шўъба корхоналарни ёки бошқа хўжалик бирликларини харид қилиш ёки сотишдан бўладиган пул оқимлари йиғиндиси алоҳида очиб кўрсатилади ва инвестиция фаолияти сифатида тасниф этилади.

29. Хўжалик юритувчи субъектлар кичик корхоналар ва бошқа хўжалик бирликларини харид қилиш бўйича ҳам, уларни сотиш бўйича ҳам, қуйида келтирилган бандларнинг ҳар бирини жамлаб очиб беришлари лозим.

29.1. Харид қилиш ёки сотишнинг умумий қиймати;

29.2. Харид қилиш ёки сотишнинг пул маблағи ва пул эквивалентлари воситасида тўланган қисми;

29.3. Харид қилинган ёки сотилган шўъба жамиятга ёки хўжалик бирлигига тегишли пул маблағлари ва пул эквивалентлари миқдори;

29.4. Активлар ва мажбуриятлар миқдорини, шўъба корхонада харид қилинган ёки сотилган пул эквивалентлари ҳамда пул маблағларидан ташқари ёки активлар ва мажбуриятларнинг тури бўйича.

